



Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad
Spiritus Sancti Aduentum & Euangelij promulgationem, complectitur

Puente, Luis de la

Coloniae, Anno M.DC.XII.

Med. 28. De plenitudine Spiritus sancti communicat a S. Stephano, qui in
Martyrio suo vidit Christum.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

MEDITATIO XXVIII.

DE PLENITVDINE SPI-
ritus Sancti, quæ data fuit Sancto
Stephano, & quòd Christus
ei, in Martyrio appa-
ruerit.

INTER discipulos illius temporis, *Actuum. 6.*
vnus ex eminentissimis fuit San- *1. 2. 7. 8.*
ctus Stephanus, primus inter se-
ptem Diaconos, quos elegerunt A-
postoli; de quo Sanctus Lucas qua-
tuor commemorat, quæ huius Meditationis pos-
sunt esse argumentum. Primum, Dona, quæ Spi-
ritus Sanctus illi est largitus. Secundum, quàm
benè ipse eis sit vsus. Tertium quos fauores à Deo
sit expertus, propter bonum illū vsus; ac deniq;
quàm felicem habuerit finem: His addi potest
præmium, æterna scilicet gloria, qua fruitur.
Quæ eadem puncta, argumentum esse possunt
meditationum, pro festis aliorum Sanctorum.

PUNCTVM. I.

CONSIDERANDVM Primò, quàm fue-
rit liberalis Spiritus Sanctus in S. Ste-
phanum, de quo dicitur, quod esset plenus
Spiritu Sancto; ex qua plenitudine, aliæ qua-
tuor oriebantur. erat enim plenus GRATIA,
SAPIENTIA, FIDE, ET FORTITVDINE;
Vnde tanta in eo modestia, & morum suauis

tas exterior elucebat, vt nullum Angelicum referre videretur. *Prima* GRATIÆ plenitudo, exornabat cor eius cęlestibus virtutibus vt gratus Deo esset. *Secunda* plenitudo SAPIENTIÆ, intellectum eius Diuinarum veritatũ lumine illustrabat, vt cum voluptate sua illas penetraret, & alios vtiliter doceret. *Tertia*, quę erat FIDEI plenitudo, implebat eius animã, vt confideter Deũ oraret, & stupenda opera in hominum vtilitatem faceret: *Quarta*, quę erat FORTITVDINIS, inuictam eum faciebat omnibus suis hostibus, & constantem in persecutionibus, & laboribus tolerãdis: & propter omnes quatuor plenitudines, erat sicut Angelus, ducens in terreno corpore vitam Angelicam. Hęc dona gratis ei dedit Spiritus S. vt gratiæ suę diuinitas, nõ solum in Apostolis, sed in reliquis etiã discipulis ostenderet. sed proculdubio gloriosus hic vir, ad tanta dona recipienda magno se feruore disposuit, ipso tamẽ Spiritu S. eum ad id præueniente; cuius fauore, conabor quoq; ad ea obtinenda me excitare: siquidem non est abbreviata manus liberalissimihuius largitoris. Ipsum etiã S. Stephanum orabo, vt pro me intercedat: nã qui sua oratione, hęc & alia ampliora dona, Saulo Christi persecutori impetrauit, eadẽ poterit & mihi impetrare; & qui tãtũ valuit apud Deũ in terra existẽs; nõ min^o poterit nũc in cęlo manẽs feruẽs gloriosus hic vir, in vsu & executione

II.

DEINDE perpendã, quã fuerit diligẽs & feruẽs gloriosus hic vir, in vsu & executione

done-

donorum, quæ à Spiritu Sancto acceperat, fauente ad id quoq; Spiritu Sancto. PRIMVM enim SAPIENTIAE dono utebatur, ad Christi Domini nostri legem, adeo admirabilibus & efficacibus rationibus prædicandâ, vt cum multi Iurisperiti Iudæorum, contra Stephanum disputarent, a non possent resistere sapientia, & Spiritui qui loquebatur in eo, quia illo plenus erat: In quo factò, cernebatur impleri, quod ipse Redemptor noster, discipulis suis promiserat dicens: in huiusmodi occasionibus, *b non vos estis qui loquimini, sed Spiritus Patris vestri, qui loquitur in vobis.*

a Actuum.
6.10.

b Matt. 10.
20.

c Actuum
6.8.

DEINDE magna & viua fide, quam habebat, instructus, *c faciebat prodigia & signa magna in populo*, quibus doctrinam suam credibilem faciebat, vt Christiani omnes intelligerent, donum miracula faciendi, non esse tantum Apostolorum, sed eorum etiam, qui gratia & fide sicut ipse, pleni erant.

TERTIO in medio concilio, multis hostibus & falsis testibus circumdatus, qui contra eum graua delicta testabantur, non tamen propterea aut turbatus est, aut vultus sui grauitatem & modestiam amisit, quin potius eorunc magis resplenduit, ob testimonium conscientia suæ, & gaudium quod sentiebat, persecutionem pro Christo patiens, ita vt ipsi hostes, eum aspicientes, viderent faciem eius quasi faciem Angeli è celo delapsi, iuxta illud Iob, *d lux vultus mei, non cadebat in terram, quia nec contumelia, nec*

d Iob. 29.
24.

falsa

falsa hostium eius testimonia, nec contradictiones, aut contentiones inter disputandum, efficere potuerunt aliquam in ipso mutationem, ut grauem lætamque serenitatem suam amitteret, aut aliquid faceret, cur sicut Cain præ pudore, concideret vultus eius. O Si daretur, posse imitari Angelicam purissimi huius bellatoris modestiam, ut nunquam facerem aliquid, cur vultus mei lumen, in terram concideret, pudore videlicet suffusus, quod illud admissem! Concede mihi, O bone Iesu, tantam in medio mearum calamitatum, animæ puritatē, ut ea ad gloriam tuam, manifestetur in graui lætoque vultu faciei meæ.

e Actuum.
6. 51.

QVARTO magna animi FORTITVDINE, nullo hostium suorum timore, eorum duritiam & resistentiam grauissimè reprehendit, quæ *semper Spiritui Sancto resistissent legem, quam acceperant, non seruassent, & crudelitatem, qua Prophetas persecuti fuissent, & ipsum Christum occidissent.* Et quamuis eius aduersarij *dissecarentur cordibus suis, ac dentibus in eum striderent,* ipse tamen nihil timebat, quia virtute, ex alto erat indutus. Gaudeo O gloriose Stephane, de ista animi tui fortitudine, qua honorem tui Magistri ita propugnas: hoc honore eum afficiens, qui tibi conciliauit honorem; & ad mortem eius gratiâ te offerēs, qui vitam pro te posuit; impetra mihi ab eo, simile virtutē ex alto, ut in pugna imitatus, etiam coronam obtineam. Amen.

PVNCTVM II.

CVM autem esset plenus Spiritu Sancto, intendens in cælum, vidit gloriam Dei, & Iesum stantem à dextris Dei: Et ait: Ecce video cælus apertos, & Filium hominis stantem à dextris Dei.

à A. Fuun.
755.

IN admiranda hac visione, perpendendi sunt extraordinarij Spiritus Sancti fauores, erga suos electos, & cui iustorum generi illos exhibeat, quibus occasionib⁹, & quas ob causas: vt hinc lucem hauriamus, ad causas & effectus Diuinarum visionum, & reuelationum cognoscendas.

PRIMUM autem aliquod mysterium habet, quod dicatur de S. Stephano, cum esset plenus Spiritu Sancto, intendens in cælum, vidit gloriam Dei. Duo enim hic insinuantur, quæ dignum illum reddiderint, hac gloriosa visione. Primum, quod esset plenus Spiritu Sancto, & gratijs, ac donis eius. Secundum quod intendere in cælum, non tam corporis oculis, quam animæ; quia ad cælestia adspirabat & suspirabat, pro se & pro omnibus orans. huiusmodi enim fauores, vt plurimum exhibet Deus magnis Sanctis, & orationi apprimè & contemplationi addictis. Et quamuis non sit tutum, huiusmodi fauores expetere; a quomodo tamen est, non me reddere illorum indignum, sed procurare plenitudinem gratiæ & orationis, quæ ad eos recipiendos disponunt: siquidem omnibus eam promittit Deus, dicens

I :

V. Part. Medit.

T

per

b Zacha. 12

II.

per Prophetam, b *effundam super domum Dauid, & super habitatores Ierusalem, Spiritum gratia & precum.*

DEINDE etiam habet mysterium, quod dicitur, *vidit gloriam Dei, & Iesum stantem a dextris Dei.* significatur enim nobis; coeleste lumen, quod interiores oculos clarificat, & ad supremam contemplationem eleuat, duo praeipue nobis patefacere, mysteria scilicet gloriae Dei, quae pertinent ad ipsius Diuinitatem & Trinitatem; & ipsum Iesum Christum, cum mysterijs glorificatae eius humanitatis quae lux, modo quodam ad eum eleuato, haec mysteria reuelat, ut appelletur visio, quae nostrum (teste Apostolo) rapiat, ut illud per amorem c *transformet in gloriam Domini* quem vidit quasi ascendendo a claritate vna ad aliam maiorem claritatem. Ex hac enim visione, dona crescunt & gratiae, quae prius habebat, & quasi denuo repleatur Spiritu Sancto auget GRATIAM, SAPIENTIAM, ET FORTITUDINEM, repletu extraordinaria quadam laetitia, & interiori satietate, fructus modo quodam etiam in hac vita eo, quod dicitur Dauid, *dsatiabor cum apparuerit mihi gloria tua.*

c. 2. Corin. 3. 18.

d Psal. 103. 35.

CAUSA E cur in hac occasione, Sanctus Spiritus viderit gloriam Dei, & ipsum Iesum stantem a dextris fuerunt; propter quas huiusmodi fauoribus Deus prosequitur suos electos. PRAEMIUM causa fuit, ut etiam in hac vita, praemium redderet, propter obsequia ipsi praestita, in

illustri illa confessione, & testimonio de Christo in illo concilio præstito, etiam cum periculo vitæ. est enim Dei proprium & valdè familiare, reddere extraordinarias gratias & fauores pro extraordinarijs seruitijs sibi exhibitis, & reddere etiam *e nunc in hoc tempore centuplum*, quàm pro illo fiat. Hinc excitabor ad feruentissimè seruiendum Deo; siquidem ad mensuram seruitiorum, gratiæ redduntur & præmia: nam & feruentioribus dixit Dauid, *f gustate & videte, quam suavis est Dominus, Beatus vir qui sperat in eo.*

e Marci. 10.
30.

f Psal. 33.9.

SECUNDA causa fuit, ad illum corroborandum in illo congressu & labore, quem tolerabat, & animum illi adijciendum ad reliquum, quod supererat: præmium enim cum videtur, mirum in modum impellit, ad laborandum pro eo; & ducis præsentia, Spiritum & animum addit militi; certitudo quoque adfuturi Diuini subsidij, impellit ad pericula sine timore aggredienda. Vnde Sanctus Stephanus, Christum ducem suum, & auxiliatorem suum vidit ad dexteram Dei, non sedentem, sed stantem; vt intelligeret Stephanus, præsentem ipsum esse, & aspicere, qua virtute & alacritate pugnaret, & promptum se esse ad subsidium pugnantem adferendum, & ad mox descendendum pro ipso, vt redderet illi coronam. O I E S U dulcissime, adiuua paruum meam fidem, vt ea licet obscure, videam, quæ Sanctus Stephanus, ad eò clarè perspexit; trahere

ad cœlum Spiritum meum, vt præmium promissum contempler; ipsumque aspectum, quod tu me respicis; & auxilium, quod offers; vt constrictum cor meum triplici hoc funiculo, nullus labor, aut persecutio ab amore tuo separet.

TERTIA causa fuit, vt hac ratione, quæ oculus esset testis veritatum & mysteriorum, quæ prædicauerat; quare mox atque illa vidit, eadem est iterum testificatus, magno sermone dicens; ecce *video cœlos apertos, & Filium hominis stantem à dextris Dei*, atque si diceret attendite verum esse, quod hæctenus dixit, ipse oculis id nunc video. Video apertos esse cœlos, vt ingrediantur, qui in Christum credunt: video Filium hominis, quem crucifixistis, esse iam, sicut ipse vobis dixit, *g ad dextram virtutis Dei*; aspiciete & vos credite.

g Matt. 26.
64.

HINC intelligam, huiusmodi fauores non concedi magnis Dei seruis, vt soli ipsi qui priuati, illis fruantur, sed vt prædicet, & manifestent eius gloriam, in utilitatem animarum, eas prouocantes, vt se disponant ad id videndum, quod ipsi vident, & credendum, & amandum, sicut ipsi credunt, & amant. O populus ille beatissimo Stephano fidem contulit, & oculos suos, eodem Spiritu in cœlum leuasset, quo ipse suos leuauit; procul dubio fuissent illustrati, & Diuino Spiritu impleti: paratus enim erat Christus Dominus noster, illum eis liberalissimè dare. Concedit

mihī, amantissime Iesu, viuā fide credere, quidquid nobis reuelasti, vt ex fide ascendam ad intelligentiam; & ex hac, ad contemplationem, ac demum ad claram tuæ Diuinitatis visionem in sæcula, Amen.

PVNCTVM III.

EXCLAMANTES autem voce magnā, ^{a Actuum.} continuerunt aures suas, & impetum ^{7. 56.} fecerunt vnanimiter in eum; Et eicientes eum extra ciuitatem, lapidabant; & testes deposuerunt vestimenta sua secus pedes adolescentis, qui vocabatur Saulus.

CONSIDERANDA hic est *Primum* providentiæ Diuinæ dispositio, circa suos electos, dum suos fauores erga illos, permittit esse occasionem tribulationis & persecutionis ipsorum; vt significet, quā ipse magnificat, quod quis ipsius intuitu patiat: si quidem ipsum eius erga aliquem studium, dirigit ad labores maiores sustinendos, quamuis exitus totius rei, sit augmentum gloriæ: sicut ^{b Genes. 37.} euenit Patriarchæ Ioseph, ^b cui Deus per somnium ostendit quasi solem & lunam, & stellas ^{9.} undecim adorare ipsum: quod cum Patri suo & fratribus retulisset, tum Pater suus eum increpauit, tum causa fuit, vt fratrum in eum odium & inuidia magis cresceret, & ab ipsis in cisternam mitteretur, & Madianitis in seruum venderetur. Idem ergo Sancto Stephano euenit: vt ego discā, si Deo charus ac dilectus ero, debere me ad magnos labores præparare, qui

I.

fortè initium sument, ab ipso Dei erga me studio & fauore. O Saluator dulcissime, etiam ipsi labores, tui amore tolerati, censendi sunt tui erga me fauores; dirige vitam meam sicut tibi placet, nullum enim tuum erga me fauorem maiorem existimabo, quam ut tuam de me prouidentiam, & dispositionem sequar.

II.

DEINDE ipsum Sanctissimi huius viri martyrium, opprobrijs & tormentis plenum est perpendendum. Hostes enim eius, locutionis oculorum suorum in coelum, & Christi gloriam, iuxta martyris consilium viderent; *exclamauerunt voce magnâ* contra ipsum, tanquam blasphemum, & contulerunt aures suas, ne, quod ille dicebat, audiret, *instar leonũ, impetum facientes unanimiter eũ, pugnis & calcibus crudeliter & ignominiose percusserunt; & eicientes illum extra ciuitatem ibi eũ lapidauerunt.* Ipse verò gloriosus martyr tanquam mansuetissimus agnus, lapidum iussu in corpore suo suscipiebat, atque si iniussus esset adamas, nec vertens, nec abscondens vultum suũ, quin potius ut Ecclesia de eo canit, *lapides torrentis illi dulces fuerunt,* quam summam dulcedinem reputabat, pro suo magistro mortem oppetere, ipsaq; gloria, tanquam contemplabatur, dulce & iucundum illi reddebat, quidquid patiebatur. Nã corpus quidẽ cruciabatur in terra, sed Spiritus eius quasi translatus in cælum. O Dulcissime Iesu quam dulce est opprobria & dolores pro te

*S. Aug in
Soli loq. c.*

12. Tua dulcedo Stephano lapides torrentis dulcurauit.

pati, e i, qui contemplatur, quantos tu pertu-
 leris; & gloriam, quam illi tibi comparasti.
 Vtinam c *torrente voluptatis tuae caelestis me*
potares, ut dulces mihi redderentur lapides
 d *torrentis iniquitatis & tribulationis*, quae
 me conturbant & affligunt in terra, O Dilecte
 mi, qui nosti e *me de petra educere, oleum q̄*
 e *de saxo durissimo*, dulcora meos labores mel-
 le tuarum consolationum, & oleo tuae laetitiae
 ut in eis te glorificem in saecula. Amen.

c Psal. 35. 9.
 d Psal. 17. 5.
 e Deuter. 32.
 13.

PUNCTVM IV.

ET LAPIDABANT Stephanum inuocã
 a *te & dicentem, Domine Iesu, suscipe Spi-*
 ritum meum. Positis autem genibus clamauit vo-
 cem magna dicens, Domine ne statuas illis hoc
 peccatum; & cum hoc dixisset, obdormiuit in
 Domino.

a Actuum.
 7. 58.

CONSIDERANDVS hic est feruor, quo
 gloriosus hic martyr, imitatus est Christum
 Dominum nostrum, Regẽ martyrurum, in om-
 nibus, quibus licuit in suo martyrio illum
 imitari, bis sicut Christus, orans: Primum
 pro se, Spiritum suum Deo commendans; de-
 inde pro suis inimicis, petens à Deo dimitti
 illis: ut sic Magistri sui præceptum exequere-
 tur, quo dixerat; b *orate pro persequẽtibus & ca-*
 luminiantibus vos. Hanc orationem fecit Sanctus
 Stephanus magna reuerentia & feruore,
 quod ostendit flectendo genua in terram, &
 voce magna clamando; volens etiam
 expirare voce magna, sicut ipse Christus.

I.

b Matt. 5.
 44.
 b Luca 6.
 26.

c Cant. 8. 6.

Omitem fidelissimum, verè imitatore[m] ca-
piranei sui Iesu! O inuictam charitatem! O
dilectionem ipsa morte fortio[re]m! Propter te,
Stephanus beneficium & gratiã reputat mori,
oratque pro ijs, qui eum offendunt; & quando
illi, lapides in eum iaciunt, vt temporalem
illi vitam adimant, simul ipse sagittas oratio-
nis iaculat[ur] in cælum, vt æternam illis vitam
impetret. Concede mihi, O bone Iesu, tuum
hunc militẽ imitari, sicut ille te est imitatus,
vt amem me odientes, & orem pro perse-
quentibus.

II.

PERPENDENDA est deinde causa, cur
Sanctus Stephanus; pro se, stans; pro suis vere
inimicis, positis genibus, & magno clamore
orauerit. Fortè id propterea fecit; quod pro
se orans, certus esset se fore exaudiendũ; qui
nullum in se impedimentum inueniebat, con-
trarium ijs, quæ petebat; orans autem pro suis
inimicis, aduertebat duritiem & rebelli-
onem ex parte illorum, qua obicem ponebat
ijs, quæ ipse pro eis petebat; ideoque Spiritu
Sancti igne accensus, maiori cum reueren-
tia, affectu, & clamore orauit, vt eius oratio
exaudiretur; & ita re ipsa fuit: impetrauit
eius conuersionem, maximi sui persecutoris
Sauli scilicet; qui & lapidantium vestimen-
ta custodiebat; & aliquos fortè lapides, pro-
pria manu in eum iaciebat; quamuis omnia
iecisse censendus videatur, per manus soci-
orum suorum.

Concl.

Concipiam hinc proposita, pro meis inimicis feruenter orandi; mihi persuadens, quod pro alijs orare, medium fit commodissimum, vt exaudiatur oratio, quam pro me fundo; sicut euenit d Iob oranti pro amicis suis, qui tamen inimicorum opera in eum præstiterant. d Iob. 42. 10.

TERTIO perpendam causam, cur Sanctus Stephanus, prius pro se orauerit, Spiritum suum Deo commendans; cum Christus Dominus contra, prius pro suis inimicis orauerit, deinde, cum esset iam expiraturus, Spiritum suum Patri comendauerit. causa enim est, quia oratio incipere debet ab ijs, quæ sūt magis necessaria, & magis obligant, præcipue cum funditur tempore magnarum tribulationum & periculorum. Et quia Christus Dominus noster *non habebat necessitatem prius* c Habr. 7. 27. *pro suis delictis hostias offerre, deinde pro populi;* peccatores autem magnopere indigebamus, vt pro nobis oraret, præsertim illi, qui illū crucifigebat, ne in abyssum inferni demergerentur: Hinc factum est, vt intima eius charitas, prius pro suis inimicis oraret: at Sanctus Stephanus & ceteri iusti, necesse habent pro se orare, maxime in mortis articulo, vbi maius est salutis discrimen: ideoque charitas in Sancto Stephano, cœpit ab eo, quod magis eum obligabat; & postea se extendit ad id, in quo eius perfectio magis elucebat, & in utroque vult Christus Dominus noster, vt illum imitemur; quamuis prædicto ordine seruato; quia

III.

charitatis lex obligat nos, prius nostram salutem procurare deinde aliorum. O Dulcissime Iesu, accipe Spiritum meum, & omnium fidelium, in vita & in morte, sub tua protectione; ut in terra tibi seruiens, postea te fruatur in caelo in aeternum. Amen.

Denique perpendam, finitis duabus hinc rationibus, Sanctum Stephanum *obdormisse in Domino*. Mori in Domino, est mori in Christo, coniunctum illi fide viva & charitate, sicut moriuntur Sancti Confessores; vel mori pro confessione Christi, sicut Martyres: & utraque mors est felix, & quae pretiosa in conspectu Domini, mors Sanctorum eius. Et (ut vox de caelo dixit Sancto Ioanni) Beati, qui in Domino moriuntur; quia iam dicit Spiritus, ut requiescant a laboribus suis, opera enim illorum sequuntur illos; atque diceretur, qui moriuntur in Domino, statim atque moriuntur, posse beatos appellari, nam postquam Christus mortuus est, (nisi forte purgandum aliquid haberent) iam patet illis portae caeli; & Spiritus Sanctus, quo pleni sunt, vult eorum mortem esse finem laborum ipsorum, & principium aeternae requiei. nam opera, quae in vita praestiterunt, quibus se ad mortem praepararunt, committantur illos magno honore, usque ad ipsum caelum. Talis fuit mors gloriosissima martyris Stephani, qui mortuus in Christo est, & pro Christo, qui ex ipso caelo illi apparuit, in conflictu, & ad illum venit cum

Psal. 115.
15.

g. Apocal.
14. 13.

milli

millibus Angelorum, ut ipsius victoriam celebrarent; & qui paulò antè ab hominibus erat acclamatus blasphemus, nunc est ab Angelis Sanctus proclamatus, & qui fuit lapidatus lapidibus doloris, accepit h *coronam de lapide pretioso*, iuxta nominis ipsius Etymologiam. Ascendit clarissimis suis operibus comitatus, propter quæ fuit honoratus, & laudatus à Christo Domino nostro coram suo Patre, & collocatus in throno quodam eminenti inter Seraphinos, ubi lumine gloriæ vidit clarè Diuinam essentiam, bibitque usque ad satietatem ex copiosissimo torrente cœlestium deliciarum, absque vlllo eas unquam amittendi timore. O Fœlices labores, qui finem habent æternam requiem! O Dulces lapides, qui pretiosam ad eò coronam fabricant! O pretiosa mors, quæ initium est gloriôsæ ad eò, & æternæ vitæ! *moriatur Dñe anima mea morte iustorum.* Sit mea vita talis, quæ talem mereatur mortem, eaque dispositione ad eam me præparem, ut mea nouissima sint illorum similia, ut ascendã ad te fruendum, claris operibus, magnisque laboribus, pro iustitia ad maiorem tuam gloriam toleratis, comitatus. Amen.

h Psal. 20. 4
Stephanus
Gracè coronã significat

i Numer. 23. 10.

